



Future-proofing our children

Sikolo sa la Sunda – Sitopa sa Pili

Toho ya Tuto

Poto ya Mulimu – Ku pepwa kwa Isaka – Abrahamama
h'a likwa

Buka ya Bashemi

Sikolo sa la Sunda sa mwa Malapa



Balatiwa Bashemi

Mwa amuhelwa kwa tuto yeli “**Poto ya Mulimu- Ku pepwa kwa Isaka – Abrahamama h’a likwa**” ya Sikolo sa la Sunda Sitopa sa Pili.

Pampili ye I mi fa liseli-nyana ka mo mu kona ku lutela tuto ye.

Mukwa mo mu kona ku itukiseza ni kufa tuto ye ka ona

Ze tatama ki zeñwi zeo mu swanela ku ezeza mwa ku itukiseza ni ku fela tuto ye:

Muhato	Kezo
1.	<p>Mu kene fa likepe la Keleke Yenca ya Baapositola, ka ku sebelisa likepe le fa WhatsApp:</p> <p>https://bit.ly/3NACSSHS</p>
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibebe • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendisio za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba ba li mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, kasamulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye kusufalizwe ha ku konahala, ka ku hupula nakonyana yeo banana ba kona ku teezeza ni ku utwisisa hande.</p> <p>(Mu si ke mwa bulela ze sa ami tuto) ya mwanana – Ki mina mu ziba hahulu mwan’a mina ni ku fita.</p> <p><i>Ka mulao, Sikolo sa la Sunda ha si swaneli ku fitelela mizuzu ye mashumi a mane ka ye ketalizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Taelo ya Bibebe ni Tiisezo)</p> <p>2.4: Mu lizeze kamba ku ikopanya ni muluti wa Sikolo sa la Sunda ha mu tokwa tuso kwa lisebeliso ze bulezwi.</p>
3.	<p>Mu lapele (Mu bone tapelo ye ñozwi, kwa mafelelezo) mi mu kupe Mulimu kuli ami eze sisebeliso mwa kufa tuto ye, ka mwa latela.</p>



Mufe tuto ya Sikolo sa la Sunda sa mwa Malapa

Mukwa mo mu kona ku itukiseza ni kufa tuto ye ka ona

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Kezo
4.	Mu eze sibaka sa tuto ku ba se sinde (ku sina lilata) fo mina ni mwanana mu ba ni buino bo buswana. Ka mutala: Mu ine fa lishasha/ fa museme kamba fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6.	Mu iñolele tuñusanyana twa butokwa to mu bata ku hupula ha mufa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwan'a mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwan'a mina video, mi mu kutele butokwa mwa tuto ye.
10.	Mu bulelele ni ku susuweza mwan'a mina kuli a eze musebezi o mwa buka ya hae, ya Sikolo sa la Sunda.
11.	Mu lapele kamba mu kupe mwanana kuli a lapele ka ku kwala tuto.

Lisebeliso ze fumaneha ku amana ni Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a Sikolo sa la Sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu si ka ifa kale ku mwan'a mina.
3. Mu be ba ba lukuluhile, ku batisisa litaba zeñwi kuama tuto ye.
4. Muongaongi ni muluti wa Sikolo sa la Sunda mwa kopano ya mina ba itukiselize ku mi tusa.



Tuto

Toho ya Tuto	Poto ya Mulimu – Ku pepwa kwa Isaka – Abrahama h'a likwa
Timana	Genese 18: 1 – 16; Genese 2: 11 – 18,22
Mutomo/butokwa bwa Tuto	Banana ba ituta kuli Mulimu u buluka lisepiso za Hae haiba inge lu mu sepa ni ku mu utwa, mi u ka lu fuyola.

Kusufazo ya Tuto:

- Abrahama ni Sara ne se ba atezwi ki lilimo, mi ne ba bilaela kuli ha ba na ku ba ni mabasi.
- Abrahama h'a na na ni myaha ye 99, Mulimu a ba hupulisa kuli h'a si ka libala sepiso ya Hae.
- Ka silimo se si tatama, sepiso ya Mulimu ya talelezwa, mi Sara a pepa mwan'a mushimani, mi a beiwa libizo la Isaka, ka mo Mulimu n'a ba bulelezi.
- Isaka h'a sa hulile ku ba mutangana, Mulimu a bulelela Abrahama ku nga Isaka ku yo mu eza sitabelo sa ku cisa.
- Abrahama n'a swabile hahulu, kono n'a lumela ku Mulimu, mi na na ni ku utwa Mulimu.
- Kamamiso, Abrahama, Isaka ni babeleki ba hae, ba lwesa mbongolo, mi ba zamaya mazazi a malalu kuya kwa sibaka seo Mulimu n'a ka mu supeza.
- Ha ba fitile kwa lilundu, Abrahama a yaha aletare, mi a lukisa likota.
- Isaka a buza Abrahama kuli ngu ya sitabelo sa ku cisa i kai, mi Abrahama a alaba a li: "Mulimu u ka iponela."
- Abrahama a tama Isaka, a mu beya fa aletare, mi a nga tipa kuli a tabe mwan'a hae.
- Lingeloi la Muñ'a Bupilo kiha li hanisa Abrahama ku sa bulaya mwan'a hae.
- Abrahama a nanula meeto, a bona totolo i swasize mwa sicacani – a nga totolo, mi a ezeza Muñ'a Bupilo sitabelo sa ku cisa.
- Abrahama na tezi tabo, kakuli Muñ'a Bupilo n'a lamulezi mwan'a hae, mi a i tumela ku Muñ'a Bupilo.



Tuto ye italusa sikamañi ku luna kacenu?

- Muñ'a Bupilo u taleleza lisepiso za Hae kamita, mi lu be ni tumelo ku Mulimu.
- Lu kuteke Mulimu, bashemi ba luna mane ni baluti.
- Mu be ni pilutelele, mi lu libellee Mulimu a taleleze seo a sepisize – mu si ke mwa zwafa.
- Ha lu kuteka ni ku sepa Mulimu, u ka lu fuyola.

Zeñwi za lipuzo zeo lu kona ku buza:

1. Kanti ki mañi y'o na sepisize Abrahama ni Sara kuli ba ku pepa mwana?

Kalabo: Muñ'a Bupilo.

2. Libizo la mwana ne li mañi?

Kalabo: Isaka.

3. Kana kikuli Abrahama n'a bulaille Isaka nji?

Kalabo: Batili.

4. Kanti ki mañi y'o lu swanela ku sepa?

Kalabo: Muñ'a Bupilo, bashemi ba luna, baluti ni maticele.

5. Kanti Muñ'a Bupilo u ka lu ezezañi ha lu mu sepa ni ku mu utwa?

Kalabo: Muñ'a Bupilo u ka lu fuyola.

Tapelo ya Bondate ni Boma ye fiwa pili tuto i si ka tateka:

Mulimu ya lateha. Lwa itumela kwa lizazi la kacenu

Fuyola bashemi ni banana ba luna

Tusa kuli lu kone ku lemuha ku bateñi kwa Hao

Fuyola tuto ye lu k'a ba ni yona

Lwa kupa, ulu lute mo lu swanela ku ku sebeleza

Mi u lu tuse ku eza tato ya Hao

Kuli lu hule mwa kuba bukaufi ni Wena

Luma Jesu a to lunga

Mi u lu tuse ku ba ba ba itukiselize ku mu katanyeza

Amen